



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj:  
Sarajevo, \_\_\_. \_\_\_. 2020. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 38. sjednici održanoj \_\_\_\_\_ godine, primilo je k znanju.

Informaciju o realizaciji projekta biciklističke staze na području Grada Sarajeva

### **PREDSJEDAVAJUĆI GRADSKOG VIJEĆA**

**Igor dr. Gavrić**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNIK**

## INFORMACIJA

### O REALIZACIJI PROJEKTA BICIKLISTIČKE STAZE NA PODRUČJU GRADA SARAJEVA

**Predlagač:** Gradonačelnik

**Obradivač:** Služba za urbano planiranje,  
investicije, stambene i komunalne poslove

**Sarajevo, maj 2020. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



## **UVOD**

Projekat izgradnje biciklističke staze u gradu Sarajevu je jedan od najznačajnijih infrastrukturnih saobraćajnih projekata Grada Sarajeva. Njegova realizacija je započeta prije par godina. Popularizacija biciklizma u našem gradu se ogleda u sve većem broju biciklista koji to prijevozno sredstvo koriste ne samo u rekreativne, nego i u transportne svrhe. Zbog nepostojanja adekvatnih staza za biciklizam, biciklisti su prinuđeni koristiti površine koje su namijenjene za pješake, čime krše zakon i ugrožavaju pješački saobraćaj ili su prinuđeni voziti po saobraćajnicama što je izuzetno opasno, imajući u vidu stepen saobraćajne kulture vozača automobila.

Stoga je Grad Sarajevo, u saradnji sa Direkcijom za puteve Kantona Sarajevo i Ministarstvom saobraćaja Kantona Sarajevo, pristupio realizaciji projekta izrade biciklističke staze Nedžarići – Skenderija, ukupne dužine cca 14000 metra. Ova dionica je nastavak već projektovane biciklističke staze Iličići – Nedžarići, a kao osnova za trasu ove staze koristi se „Elaborat mreže biciklističkih staza na području Kantona Sarajevo“.

Osnovni ciljevi projekta izgradnje biciklističke staze su:

- Stvaranje potrebne infrastrukture za razvijanje biciklističkog saobraćaja u Sarajevu;
- Izgradnja glavne biciklističke longitudinale kroz Sarajevo kao baze za dalje širenje mreže biciklističke infrastrukture prema „Elaboratu mreže biciklističkih staza na području Kantona Sarajevo“;
- Podizanje svijesti građana o zdravom i bezbjednom načinu prijevoza.

Projektovanje i izgradnja biciklističkih staza se vrši u skladu sa najvišim standardima, sa vertikalnom i horizontalnom saobraćajnom signalizacijom, dimenzija i od materijala propisanih najvišim standardima. Također je predviđeno da se uz stazu izgrade adekvatna odmorišta za bicikliste. A kao osnova za trasu ove staze koristi se „Elaborat mreže biciklističkih staza na području KS“.

Ovaj projekat je već dao svoje rezultate i polako se biciklistički vid saobraćaja uvodi u Sarajevu kao normalan i bezbjedan.

Ovaj projekat Grada Sarajeva je potaknuo i druge gradske općine i Kanton Sarajevo koje su pristupile izgradnji mreže biciklističkih saobraćajnica na svom području.

## **STRUKTURA PROJEKTA**

Za potrebe izgradnje biciklističke staze na potezu Nedžarići – Skenderija, prvobitno je bilo potrebno obezbjediti odgovarajuću projektnu dokumentaciju.

Direkcija za puteve Kantona Sarajevo je izradila Projektni zadatak za projektovanje biciklističke staze sa osnovnim elementima koji se zahtijevaju od projektanta i to da trasa biciklističke staze bude određena na osnovu „Elaborata mreže biciklističkih staza na području Kantona Sarajevo“.

Nakon provedene procedure Javne nabavke kao najpovoljniji ponuđač za usluge projektovanje biciklističke staze Nedžarići – Skenderija odabran je Arhitektonski fakultet – Institut za arhitekturu, urbanizam i prostorno planiranje.

Institut za arhitekturu, urbanizam i prostorno planiranje dostavio je koncept Projekta biciklističke staze Nedžarići – Skenderija. Konceptom je dat prijedlog trase biciklističke staze koji je dostavljen svim općinama, na uvid i usaglašavanje. Nakon načelnog usaglašavanja trase projektant je pristupio izradi Idejnog i Glavnog projekta za dio biciklističke staze koja prolazi kroz općine Novi Grad i Novo Sarajevo.

Iz administrativnih razloga projekat je podijeljen u III faze po općinama kroz koje trasa biciklističke staze prolazi. IV faza bi podrazumijevala izgradnju biciklističke staze na području Općine Stari Grad, ali iz razloga smanjenih prostornih mogućnosti ove općine, potrebno je više vremena posvetiti izradi Idejnog projekta i pronalasku adekvatnih rješenja.

### ***INFORMACIJA O REALIZACIJI PROJEKTA IZGRADNJE BICIKLISTIČKE STAZE NA PODRUČJU OPĆINE NOVI GRAD NA PODDIONICI VI TRANSFERZALE***

Do sada je Grad Sarajevo, u saradnji sa Direkcijom za ceste Kantona Sarajevo, izgradio biciklističku stazu na području općine Novi Grad u dužini od cca. 8km, sa postavljenom saobraćajnom signalizacijom, kako vertikalnom tako i horizontalnom, te je na raskrsnicama izvršeno regulisanje biciklističkog saobraćaja semaforima. Radove je izvodilo KJKP „RAD“, a nadzor nad izvedenim radovima vršio je Zavod za izgradnju KS.

Radi potreba ostvarivanja kontinuiteta biciklističke staze, uzimajući u obzir projektovanu trasu, u međuvremenu je dobivena građevinska dozvola za krak biciklističke staze koji prolazi kroz općinu Novi Grad na lokaciji VI transverzala (most mosta bosanskog-malezijskog prijateljstva). Planirano je da početak radova na izgradnji ovog kraka biciklističke staze započne u ovoj građevinskoj sezoni, odnosno kada to dozvole okolnosti nastale proglašenjem vanrednog stanja uzrokovanim virusom COVID-19.

### ***INFORMACIJA O REALIZACIJI PROJEKTA IZGRADNJE BICIKLISTIČKE STAZE NA PODRUČJU OPĆINE NOVO SARAJEVO NA PODDIONICI OD VI DO III TRANSFERZALE***

#### **Prva poddionica biciklističke staze od I do III transverzale,**

Na osnovu odobrenja za građenje izdatog od strane Općine Novo Sarajevo izvedeni su radovi na biciklističkoj stazi na poddionici od I do III transverzale. Radove je izvela firma Orman d.o.o. Kiseljak, a nadzor nad radovima vršio je HS INŽENJERING d.o.o. Sa istim izvođačem ugovoreni su dodatni radovi na prilagodbi vertikalne i horizontalne saobraćajne signalizacije, koji nisu bili obuhvaćeni osnovnim ugovorom, a koji su neophodni za sigurno odvijanje saobraćaja. Planirano je da se ovi radovi izvedu u ovoj građevinskoj sezoni, odnosno kada to dozvole okolnosti nastale proglašenjem vanrednog stanja uzrokovanim virusom COVID-19.

## **Druga poddionica biciklističke staze od III do VI transverzale.**

Za ovu fazu od Općine Novo Sarajevo izdato je odobrenje za građenje. Ugovor o izvođenju radova zaključen je sa izvođačem „Bosman“ d.o.o. Planirano je da radovi na ovoj poddionici biciklističke staze započnu u ovoj građevinskoj sezoni, odnosno kada to dozvole okolnosti nastale proglašenjem vanrednog stanja uzrokovanim virusom COVID-19.

### ***INFORMACIJA O REALIZACIJI PROJEKTA IZGRADNJE BICIKLISTIČKE STAZE NA PODRUČJU OPĆINE CENTAR (OD VILSONOVOG ŠETALIŠTA DO SPOJA SA BICIKLISTIČKOM STAZOM OPĆINE CENTAR KOD DRUGE GIMNAZIJE)***

Grad Sarajevo je Općini Centar već u dva navrata uputio zahtjev za izdavanje urbanističke saglasnosti na osnovu Idejnog projekta, koji je urađen od strane Arhitektonskog fakulteta u Sarajevu. Općina Centar Gradu Sarajevu nije mogla izdati potrebne saglasnosti zbog izmjena i dopuna Regulacionog plana Gradski centar Marijin Dvor za lokalitet Kvadrant B. Trenutno smo u fazi dobivanja parcijalne Urbanističke saglasnosti za nesporni dio na području ove općine.

Također, trasa od Skenderije mosta do spoja sa biciklističkom stazom kod druge gimnazije nije usaglašena sa Zavodom za planiranje KS i ostalim nadležnim institucijama, te su aktivnosti na dobivanju potrebnih saglasnosti i dozvola u toku.

Ne očekuje se početak radova na ovoj poddionici biciklističke staze u ovoj građevinskoj sezoni.